

Ilanngussaq 2, oqaasertaliussat oqaasertaliussanullu nassuaatit

IA 2010

Naalakkersuisut – suliassaqarfii 10-89

Kalaallit Nunaanni peqqussutip atuutilernera pillugu allannguutit, aningaaarsiornikkut aalajaassuseq pillugu inatsit aningaaarsiornikkut ingerlatsiviit pillugit inatsit, aningaaasaliissut aningaa-salersuisullu qularnaveeqquserneqarnissaanut aningasaateqarfik pillugu inatsit Folketingip "Inatsimmut allannguinissamut siunnersuut aningaaarsiornikkut aalajaassuseq pillugu inatsit aningaaasoriornikkut ingerlatsiviit pillugit inatsit, aningaaasaliissut aningaa-salersuisullu qularnaveeqquserneqarnissaat pillugu inatsit" (naalagaaffiup nalinginnaasumik qularnaveeqqusiinerata qaangiunneratigut aningaaserivinnik ajornartorsiortunik atorunnaarsitsineq) naapertorlugu aalajangiinera Inatsisartut sinnerlugit Naalakkersuisut akuersissuteqarnissamut piginnaatinneqarput.

Naalakkersuisut – suliassaqarfii 10-89-imut nassuaatit

Kalaallit Nunaanni peqqussutip atuutilernera pillugu allannguutit, aningaaarsiornikkut aalajaassuseq pillugu inatsit aningaaarsiornikkut ingerlatsiviit pillugit inatsit, aningaaasaliissut aningaa-salersuisullu qularnaveeqquserneqarnissaanut aningasaateqarfik pillugu inatsit Folketingip aalajangiinera naapertorlugu "Inatsimmut allannguinissamut siunnersuut aningaaasoriornikkut aalajaassuseq pillugu inatsit aningaaasoriornikkut ingerlatsiviit pillugit inatsit, aningaaasaliissut aningaa-salersuisullu qularnaveeqquserneqarnissaat pillugu inatsit" (naalagaaffiup nalinginnaasumik qularnaveeqqusiinerata qaangiunneratigut aningaaserivinnik ajornartorsiortunik atorunnaarsitsineq) danskit naalagaaffiata nassiussimavai. Inatsit aningaaseriveqarneq pillugu inatsisittutaaq (bankpakke 3) ilisimaneqarpoq.

Naalagaaffiup saaffiginnissuttaa sivikit sumik piffissalikkamik akisassanngorlugu nassiunneqar-simamat, inatsisartullu tullissaannik ataatsimiinnissaannut utaqqinneqarsinnaanngimmat, matuma oqaaseqaatip isummerfigineqarnissaa qinnutigineqarpoq. Akinissaanut piffissalernera sivikingaarmat, Inatsisartut ataatsimoortut peqqussummut eqqartorneqartumut aalajangiiniaan-narlutik aggersassallugilluunniit periarfissaqarsimanngilaq.

Inatsisartut Aningaasaqarnermut Ataatsimiitaliaanit ulloq 28-05-2010 akuerineqartoq, suliaq nr. 10-477.

Aningaasaqarnermut Naalakkersuisoq – Suliassaqarfik 20-24

Konto pingaardeq 20.10-mut Suliniutit immikkut siunertallit

Naalakkersuisut KNI A/S-imut qularnaveequsiinerminik attassiinnarnissaanik pisussaatinneqarpoq, taanna Kalaallit Nunaanni aningaaseriveqarnermik isumaginnittuunini pissutigalugu GrønlandsBanken imit A/S 7 mio. kr.-nit tungaannut sinniilluni tigusisinnaavoq.

Konto pingaardeq 20.10 Suliniutit immikkut siunertallit-mut nassuaatit

KNI A/S Namminersorlutik Oqartussanik sullissinissamik isumaqtigiissuteqarnermigut Kalaallit Nunaanni Grønlandsbankip immikkoortortaqanngiffiini aningaaseriveqarnermik isumaginnit-

Ilanngussaq 2, oqaasertaliussat oqaasertaliussanullu nassuaatit

tuussaaq. Siunertamut tassunga Namminersorlutik Oqartussat 45 mio. kr. KNI A/S-imut atugas-siivoq. Piffissap ilaatigut ima pisoqarsinnaavoq, aningaasat taakkua aningaaseriveqartitsinermik aningaasanillu pilersuinermik ingerlatsinermi qulakkeerinninnissamut naammakkunnaartarnis-saat, aamma KNI A/S pisariaqartitsisarsinnaavoq piffissami sivikinnerusumi aningaasanik sippuilluni atuisarsinnaanissa. Namminersorlutik Oqartussat 7 mio. kr.-it tungaannut qularna-veequsiisassaaq, taamaaliornikkut aningaaseriveqartitsinermik ingerlatsinermik isumaginnineq peqqutaasassaaq.

Inatsisartut Aningaasaqarnermut Ataatsimiitaliaanit ulloq 01-07-2010 akuerineqartoq, suliaq nr. 10-483.

Konto pingaardeq 20.30.09-mut Sulisunik utaqqiisaasumik najugaqartitsisarneq

Nr. 3.

Naalakkersuisut piginnaatinneqarput utaqqiisaasumik ineqartitsinermut aningaasartuutinut akiliutissat akilersinniarneqarnerannut atatillugu ingerlatsinermut kontonit tamanit konto pingaardeq 20.30.09-mut, Sulisunik utaqqiisaasumik najugaqartitsisarneq, nuussuisinnaanisaannut.

Konto pingaardermut 20.30.09 Sulisunik utaqqiisaasumik najugaqartitsisarneq-mut nassuaatit

Nr. 3.

Utaqqiisaasumik ineqartitsisarnerup allaffissornikkut aqunneqarnera ulloq 1. januar 2010-miit atuutilersumik Aningaasaqarnermut Sulisoqarnermullu Aqutsisoqarfimmut eqiterneqarpoq.

Oqaasertaliussatigut ukunuuna siunertaavoq ASA-p inatsisitigut tunngavissinneqarnissaa Naalakkersuisoqarfinnit, Aqutsisoqarfinnit taakkulu ataanni allaffissornikkut immikkoortortaqarfinnit ingerlaavartumik akiliutissanik akileeqqusisarnissaminut aningaasartuutinik Namminersorlutik Oqartussat utaqqiisaasumik ineqartitsinermut ataatsimut atugassanngortitaannut atasunik.

Oqaasertaliussat makku nutajupput.

Inatsisartut Aningaasaqarnermut Ataatsimiitaliaanit ulloq 25-08-2010 akuerineqartoq, suliaq normu 10-489.

Konto pingaardeq 20.30.10-mut Namminersorlutik Oqartussat qitiusumik allaffeqarfii

Nr. 3.

Naalakkersuisut piginnaatinneqassapput ukiumi aningaasaliiviusumi matumanit Inatsisartut Aningaasaqarnermut Ataatsimiitaliaat akuersissuteqartereerlugu Namminersorlutik Oqartussat Nuummi allaffeqarfissaannik nutaamik pissarinissaq pillugu Illuutileqatigiiffimmik Illuut A/S-mik isumaqatigiissuteqarnissamut. Illuut pissarsiarineqassaaq aktianillu piginneqatigiiffimmit pigineqassalluni Naalakkersuisunilli ingerlanneqassalluni.

Nr. 4.

Ilanngussaq 2, oqaasertaliussat oqaasertaliussanullu nassuaatit

Naalakkersuisut piginnaatinneqassapput Illuut A/S-imit attartornissamut ukiuni 20-ini taamaatinneqarsinnaanngitsumik isumaqatigiissuteqarnissamut, allaffeqarfiup illutaanik attartornissamut, Nuuk Center-ip qaavani allaffeqarfittut napasuliatut sananeqartussamik. Ukiut 20-it qaangiunnerini, attartornermut isumaqatigiissut ukiunik 10-inik siumoortumik nalunaaruteqarlu-ni ingerlaavartumik atorunnaarsinneqarsinnaavoq. Inatsisartut Aningaasaqarnermut Ataatsimiititaliaat, Attaveqaqtigiainnermut Ineqarnermullu Ataatsimiititaliaq kiisalu Kukkunersiuinermut Ataatsimiititaliaq sanaartornermut naatsorsuutini soorluttaaaq isumaqatigiissutaasimasuni tamakkiisumik ilisimatinneqarsimapput.

Konto pingaarningermet 20.30.10 Namminersorlutik Oqartussat qitiusumik allaffeqarfii-mut nassuaatit

Nr. 3.

Oqaasertaliussat kinguneraat, Naalakkersuisut aktiatigut piginneqatigiiffimmit Namminersorlutik Oqartussanit pigineqartumit isumaqatigiissuteqarsinnaanerat, soorlu assersuutigalugu Illuutileqatigiiffik Illuut A/S-imit, allaffeqarfiup illutaassaanik sanaartornissaq pillugu taamaasiорнеруп Naalakkersuisut periarfissaqartilissavaat Nuummi allaffeqarfitsigut attartornerooreersut akisungaatsiartullu atorunnaarsinneqarnissaannut. Pileraarutaagallarpooq illuummik sanaartornissaq tamakkiisumik minnerpaamik 3.000 m²-tut angissusilimmik 750 m²-tut angitismik toqqavilimmik. Taamaasilluni illutiliarineqartussatut titartakkamiisinneqarput init quleriit allersaat kiisalu quleriit pingasut (3). Illuut innarluutilinnut iserfigiuminartumik isaariaqassaaq elevatore-qassallunilu. Illumiissapput allaffitsigut atortorissaarutit, ataatsimiittarfiit aamma inunnut 150-inut perusuersartarfiit. Illuut sulisunut nerisarfivimmik kantinamik ilaneqassangilaq, kisiannili arlalinnik siammarsimasunik "igaffeqassalluni tiilorfiusinnaasunik". Illumi sulisut nerisassaanik tuniniaavimmik qitiusumik inissisoqarsinnaassaaq.

Aalajangiisoqarneraniit qaammatini arfinilinni pileraarusiorertoqassaaq. Pileraarusiornermi ilaatiqut aalajangiunneqassaaq sanaartugassap inaarutaasumik qanoq angitiginissaa, tassunga ilanngullugu qulaajassallugu illuutini siamasissumiittuni immikkoortortaqarfiit Namminersorlutik Oqartussanit pigineqartuniittut pileraarutinut ilaatinneqarnissaat aningaasaqarnikkut iluaqua-taasinnaassanersoq. Tamatuma kingorna illoqarfiup ilaanut pileraarusiornermut piffissaliisoqas-saaq aamma suliariumannittussarsiuussinermut qaammatinik 18-inik. Naak ajunngitsumik qaammatinik 30-inik piffissaliisoqaraluartoq, taava pisariaqartitsinermut apeqqutaasorujussuu-voq sanaartukkap sumiinera ilaatiqut illoqarfiup ilaanut pileraarut taamatullu kommunimut pileraarusiornermi tapiliussat pissutigalugit. Anguniarneqassappat 2012 naalerpat/2013 aallartisimalerpat nutsertoqareersimanissaa, taava pileraarusiorneq 2010 qiteqquppat aallartis-saaq sanaartornerlu allartillugu 2011 aallartisimalerpat.

Oqaasertaliussat nutaajupput.

Nr. 4.

Oqaasertaliussakkut Naalakkersuisut piginnaatinneqarput Illuut A/S-imit attartornissamik isumaqatigiissuteqarsinnaanissamut, allaffeqarfiup illutaanik attartornissamut. Tamatuma

Ilanngussaq 2, oqaasertaliussat oqaasertaliussanullu nassuaatit

Naalakkersuisut periarfissippaat Nuummi allaffeqarfitsigut attartorneqareersut akisungaatsiartulu atorunnaarsinneqarnissaannut.

MT Højgaard-ip piviusumik Illuut A/S neqeroorfigisimavaa allaffeqarfittut napasuliamik 8-inik quleriilimmik pisinissamut. Illuut ilusilerneqarsimavoq Nuuk Center-ip qaavani teqequmi ilummut sammisumik illutatut. Allaffeqarfittut napasuliamut isertoqarsinnaassaaq naqqup iluatigoorluni aamma Center-imini init quleriit allersaatigoorluni.

Periarfissaqarpoq centerimi naqqup iluata aamma Namminersorlutik Oqartussat maannakkut qitiusumik allaffeqarfiata akornanni nunap iluatigut sulluliornissamut toqqaannartumik ataqtigiissumillu allaffeqarfiiit taakku marluusut akornanni aqquqealersitsinissamut.

Pileraarut iserterfigeriaannanngorlugu pisiarineqassaaq atortussat tamarmik ajunngitsuusut pitsaassuseqarluartullu quleriinni tamani ammukartarfiup eqqaani perusuertarfilerlugu igaffilerlugulu tiilorfiusinnaasumik. Init iluisa immikkut pisatfersorneqarnerat atuisut/Namminersorlutik Oqartussat isumasiorlugit kissaataallu malillugit pissaaq.

Pileraarutip piviusunngortinneqarneranut atatillugu Illuut A/S pilersinneqalersoq pisinissamut MT Højgaard-imit isumaqatigiissuteqassaaq. Peqatigitillugu Illuut A/S-ip aamma Namminersorlutik Oqartussat akornanni attartornissamut isumaqatigiissuteqartoqassaaq.

Pileraarut annertussuseqarpoq 7.168 m²-tut aalajangersimasumik tamakkiisumilli 129,4 mio. kronik akeqarluni. Taakkununnga ilaapput Illuut A/S-imit nammineerluni nakkutiliineq aamma aningaasalersuinermut aningaasartuutit 9-10 mio. kroninut missiliorneqartut. Sanaartorneq naatsorsutigineqarpoq 2010-ip upernaavani aallartinneqartussatut sanaartugarlu tunniunneqassalluni 2012-ip qiteqqunnerani.

Oqaasertaliussakkut Naalakkersuisunut ajornarunnaassaaq avataaniit attartukkat atorunnaarsik-kiartuarneqarnissaat, taakku makkullutik:

- | | |
|--------|---|
| B 1573 | Ilinniagaqarnersiuteqartitsivik aamma innarluutilinnut immikkoortortaqarfik |
| B 2171 | Aqutsisoqarfiiit - Siunnersuisoqatigiit aamma Ataatsimiititaliat aalajangiisartut / KIIIA |
| B 2325 | Aalisarnermut Aqutsisoqarfik & Nuna-fond |
| B 2289 | Akileraartarnermut Aqutsisoqarfik |

Naatsorsutigineqassaaq attartornerit, ullumikkut tamakkiisumik 10,5 mio. kronik ukiumoor-tumik attartornermut akillit taamaatinneqarnissaat. Attartukkani taakkunani ineqarnermut akiliut aamma ukiumut siumoortumik akiligassanngortillugit qaffattarpoq .

Taamatut piginnaatitsinerup kinguneraa immaqa >>Hotel Grønland-ip<< qimanneqarsinnaane-ra, taamaasiornikkut allanngortitserneqarsinnaassalluni ilinniagaqartunut ilinniartut najugaqarfisaattut, sukumiinerusumik pilersaarusrornerup takutippagu, tamanna pissusissamisoorsinnaanersoq, tassunga ilanngullugu aningaasaqarniarkkut iluatinnarsinnaanersoq.

Ilanngussaq 2, oqaasertaliussat oqaasertaliussanullu nassuaatit

Illuut A/S-imik attartornissamik isumaqatigiissut 2010-p aallartinnerani atsiorneqassaaq, tassa attartornissamik isumaqatigiissut taarsigassarsisitsisumut aningaasalersuisuusorpiamut qularna-veeqqutitut atorneqassammat.

Attartornermi akiliutissavik 2012-imi atuilernermermi aalajangersarneqassaaq naatsorsuutigisat tunngavigisallu kingulianiittut aallaavigalugit aningaasalersuineq tunngavigalugu.

Sanaartornermi aningaasartuutissat tamarmiusut nakkutilliineq aningaasalersuinerlu ilanngullugit 134,9 mio. kr.-inut missiliorneqarput.

Aningaasalersuineq:

B-716-ip, B-1685-ip aamma B-2390-ip aningaasanngorlugu nalingat mianersortumik 30 mio. kr.-inut missingerneqarpoq.

Aningaasalersuisarfimmiit taarsigassarsiarineqassapput (4 %+1 % erniat ukiunilu 30-ni akilersuutissat) 85 mio. kr.-it.

Aningaaserivimmiit taarsigassarsiarineqassapput (9 % erniat ukiunilu 10-ni akilersuutissat) 19,9 mio. kr.-it.

Attartornermut ukiumoortumik akiliutissat ukiuni 10-ni siullerni aalajangersimasut 9,8 mio. kr.-inut inissinneqarput.

Namminersorlutik Oqartussani attartukkat allat assigalugit illup iluani aserfallatsaalilinerit attartortumit (Namminersorlutik Oqartussat) isumagineqartassapput illulli silataanit aserfallatsaalilinerit attartortitsisumit isumagineqartassallutik. 2009-mi illup iluani aserfallatsaalilernut attartukkani sisamaasuni taamaatinneqartussani aningaasartuutit 2,8 mio. kronit missarpiaanniipput. Allaffeqarfittut napasuliami nutaami illup iluani aserfallatsaalilinermut ukiumoortumik aningaasartuutit naatsorsuutigineqarput annikinnerusussatut, tassami init nutaarluinnaat pineqarmata.

Pisinermi naatsorsuutit aamma isumaqatigiissutit Inatsisartut Aningaasaqarnermut Ataatsimiititaliaannut, Inatsisartut Attaveqarnermut Pilersuinermullu aamma Ineqarnermut Ataatsimiititaliaannut kiisalu Kukkunersiuinermut Ataatsimiititaliamut tunngatillugu tamanut ammasuussapput.

Oqaasertaliussat nutaajupput.

Inatsisartut Aningaasaqarnermut Ataatsimiititaliaanit ulloq 29-03-2010 akuerineqartoq, suliaq nr. 10-465.

Konto pingarneq 24.11.23-imut Aalisakkanut isumalluutinik pissarsianik akitsuut

Peerneqarpoq, konto pingarneq 2010-mut aningaasaliiffigineqanngimmat, kisiannili aatsaat 2011-miit.

Ilanngussaq 2, oqaasertaliussat oqaasertaliussanullu nassuaatit

Konto pingarnermut 24.11.23 Aalisakkanut isumalluutinik pissarsianik akitsuut-mut nassuaatit

Peerneqarpoq, konto pingarneq 2010-mut aningaasaliiffigineqanngimmat, kisiannili aatsaat 2011-miit.

Inatsisartut Aningaasaqarnermut Ataatsimiitaliaannit ulloq 29-04-2010 akuerineqartoq, suliaq nr. 10-471.

Peqqissutsimut Naalakkersuisoq – Suliassaqarfik 34

Konto pingarneq 34.11.04-mut Kalaallit peqqissartut Illuat

Nr. 1.

Naalakkersuisut piginnaatinneqarput peqqissartut illussaannik nutaamik Københavnimi 2012-imuit, ukiut 15-it angullugit sivisussuseqartussamik, attartornissamut siuningaaniit isumaqatigiissusiornissamut.

Nr. 2.

Naalakkersuisut piginnaatinneqarput pisinissamut pituttuinngitsumik periarfissiinermik, peqqissartut illussaata pisarinissaanut Namminersorlutik Oqartussat salliutinneqarnissaannik imaqartumik isumaqatigiissutissamut ilanngussinissaminut.

Nr. 3.

Naalakkersuisut piginnaatinneqarput peqqissartut illuannut nutaamut iserternermut atatillugu peqqissartut illuata Brønshøjimiittup tuninissaanut, piffissami niuernerup nalaani akiusut naapertorlugit.

Konto pingarnermut 34.11.04 Kalaallit peqqissartut Illuat-mut nassuaatit

Nr. 1.

Peqqissartut illussaannik sananissap 2010-p naalernerani sanaartortussamit aallartinneqarnissaan naatsorsuutigineqarpoq, ukiullu marluk ingerlaneranni sanaartortoqassaaq, taamaattumillu 1. januar 2012 iserterfigineqarsinnaanera naatsorsuutigineqarpoq, sanaartorneq kinguaattuussangippat.

Oqaasertaliussami Naalakkersuisut piginnaatinneqarput attartornissamut 2012-imi isumaqatigiissusiornissamut, ukiut 15-it angullugit sivisussuseqartussamik. Peqqissartut illussaannik nutaamik sananissamik pilersaarummi pineqarput 3700 kvadratmeterit, katillugit 115 mio. kr.-inik akeqartussat.

Attartornissamik isumaqatigiissut 2010-mi qaammatit kingulliit pingasut ingerlaneranni isumaqatigiissutaassasoq naatsorsuutigineqarpoq, atutissallunilu 2012-imuit ukiuni 10-ni 15-iniluunniit tulliuttuni.

Attartornissamik isumaqatigiissut 2010-p ingerlanerani isumaqatigiissutaanngippat pilersarut 12 mio. kr. miss. akitsussaaq, attartornermilu akiliut taamaaqataanik akitsussallunitaaq. Tamatu-

Ilanngussaq 2, oqaasertaliussat oqaasertaliussanullu nassuaatit

munnga pissutaavoq Danmarkimi sanaartorfissanut momsimik akitsuusersuinermut nutaanik maleruagassaqalernissaa, taamaattumillu sanaartortussap piumasaqaatigisimavaa peqqissartut illussaannik suli sananeqanngitsumik attartornissamut ukioq naatinngagu isumaqatigiissuteqartoqassasoq.

Attartornissamut isumaqatigiissuteqartoqarnissaanut siuningaaniit aningaasanik immikkoortitsisqarsimannngilaq. Taamaattumik attartornerup, sanaartugaq naammassippat iserterfigineqarsinnanngorlunilu, IST-mi angusat 2012-imi pitsaanngitsumik 6,4 mio. kr.-inik sunnissagaa missingiutigineqarpoq. 2013-imiit peqqissartut illussaata nutaap IST-mi angusat 5,4 mio. kr.-inik pitsaanngitsumik sunniuteqarfigissagai naatsorsuutigineqarpoq.

Oqaasertaliussaq nutaajuvoq.

Nr. 2.

Attartornissamut isumaqatigiissummut ilaattillugu pisinissamut pituttuinngitsumik periarfissiinermik isumaqatigiissusiornissamut tunngaviupput attartortitsisup isumaqatigiissutip atuunnerata naannginnerani isumaqatigiissummik atorunnaarsitsisinnanera, imaluunniit Naalakkersuisut pitsaunerutilersinnaammassuk peqqissartut illuata attartuinnarnagu pigilernissaa.

Pisinissamut pituttuinngitsumik periarfissiineq atorneqassagaluarpat, pisinissap akuerineqarnissaa akuersisarnermut oqartussaasunut immikkut qinnutigineqarumaassaaq.

Oqaasertaliussaq nutaajuvoq.

Nr. 3.

Peqqissartut illutaassaat iserterfigisariaannanngorpat peqqissartut maanna illuat Brønshøjimiittooq tuniniartariaqalissaq, matumuunakkullu niuernerup nalaani akiusut naapertorlugit tuniniarneqarnissaanut piginnaatinneqarnissaq immikkut qinnutigineqarpoq.

Oqaasertaliussaq nutaajuvoq.

Inatsisartut Aningaasaqarnermut Ataatsimiitaliaanit ulloq 29-10-2010 akuerineqartoq, suliaq nr. 10-498.

Nunamut namminermut, Pinngortitamut Avatangiisinullu Naalakkersuisoq – Suliassaqarfik 77

Konto pingarneq 77.05.01-imut Mingutsitsaaluiinermut atortulersuutit, ingerlatsineq

Naalakkersuisut piginnaatinneqarput kontumi 77.05.01-imi Mingutsitsaaluiinermut atortulersuutit, ingerlatsineq (Ingerlatsinermut aningaasaliissutit) aningaasaliissutinik atorneqanngitsunik Kalaallit Nunaanni PCB-qarneranut atatillugu qulaajaalluni suliniummut iliuusissatullu pilersaarusrusiornermut AI2011-mut nuussinissamut.

Ilanngussaq 2, oqaasertaliussat oqaasertaliussanullu nassuaatit

Konto pingarnermut 77.05.01 Mingutsitsaaliuinermut atortulersuutit, ingerlatsineq-mut nassuaatit

Aningaasaliissutini pineqarput PCB-qarnerata malitsigisaanik ajornartorsiutit eqqarsaatigalugit Namminersorlutik Oqartussat qulaajaanermik suliaqarnissaat iliuusissatallu pilersarusiornissaat.

2010-mi Inatsisartut upernaakkut ataatsimiinneranni Naalakkersuisut PCB pillugu Inatsisartunut nassuaateqarput. PCB Kalaallit Nunaanni sanaartornermut atortussani atorneqartarsimavoq. PCB piiarneqarnermini avatangiisnik peqqissutsimillu ulorianartorsiortitsisinnaavoq. Tamanna tunngavigalugu PCB pillugu nassuaatip oqaluuserineqarnerani Inatsisatut aalajangerpaat Naalakkersuisut ajornartorsiutit Kalaallit Nunaanni PCB-qarnerata malitsigisai qulaajarniarlugit suliniummik iliuusissatallu pilersarusiornermik aallartitsissasut.

Qulaajaalluni suliniutip iliuusissatallu pilersarusiornerup 2010-mi aallartinneqarnissaat siunner-suitigineqarpoq 2011-milu naammassineqarnissaat naatsorsuutigineqarluni. Siunertamut 2010-mi 2011-milu katillugit 1.500.000 kr.-it atorneqarnissaat pisariaqassasoq nalilerneqarpoq.

Tamanna tunngavigalugu kontumut 77.05.01-imut Mingutsitsaaliuinermut atortulersuutit, ingerlatsineq oqaasertaliisoqarnissaat qinnutigineqarpoq, taamaalluni aningaasaliissutit taakku ilaat atorneqanngitsut 1.500.000 kr.-it ajornartorsiutit Kalaallit Nunaanni PCB-qarnerata malitsigisai eqqarsaatigalugit qulaajaalluni suliniummut iliuusissatallu pilersarusiornermut atugassatut AI2011-mut nuunneqarsinnaaniassammata. Tamatumani pineqarput siunnersuisartut siunnersor-tillu avataaneersut akilerneqarnissaannut kiisalu qulaajaalluni sulinerup iliuusissatallu pilersaru-siornerup inernerinik nalunaarusiornermut taakkulu naqiterneqarnerinut, ataatsimiinnernut kiisalu ataatsimiinnernut suleqatigiinnernullu atatillugu angalanernut aningaasaliissutit.

Naalakkersuisut piginnaatinneqarput kontumi 77.05.01-imi Mingutsitsaaliuinermut atortulersuutit, ingerlatsineq (Ingerlatsinermut aningaasaliissutit) aningaasaliissutinik atorneqanngitsunik Kalaallit Nunaanni PCB-qarneranut atatillugu qulaajaalluni suliniummut iliuusissatallu pilersaa-rusiornermut AI2011-mut nuussinissamut.

Oqaasertaliussaq nutaajuvoq.

Inatsisartut Aningasaqarnermut Ataatsimiititaliaanit akuerineqarpoq ulloq 30-09-2010, sulias-saq nr. 10-493.

Ineqarnermut, Attaveqarnermut Angallannermullu Naalakkersuisoq - Sulias-saqarfik 80-89

Suliassaqarfik 80 – 89-imut Sanaartugassat aamma iluarsaassineq

Nr. 10-mik aamma 11-mik nutaanik ilanngussisoqarpoq.

Nr. 10.

Illuut A/S-ip inissianik attartortittakkanik Namminersorlutik Oqartussanut atugassiinissaa pillugu ukiuni arlalinnik atuuttussamik isumaqatigiissuteqarnissamut Naalakkersuisut piginnaatinneqar-

Ilanngussaq 2, oqaasertaliussat oqaasertaliussanullu nassuaatit

put, taamatullu Illuut A/S-ip inissianik sulisunut attartortitsinissa pillugu ukiuni arlalinni atuuttussamik isumaqatigiissuteqarnissamut Naalakkersuisut piginnaatinneqarput.

Nr. 11.

Illuut A/S-ip Namminersorlutik Oqartussat qitiusumik allaffeqarfissaanik nutaamik pisinerminut atatillugu aningasaatitigut upalungaarsimaneranik nukittorsaaniarnermut atatillugu B-2390-ip, Jens Kreutzmannip Aqqutaa 5-imiittup, B-1685-ip, Imaneq 29-miittup kiisalu B-716-ip, Imaneq 5-imiittup aallarniutitut akiliutigineqarnissaannut Naalakkersuisut piginnaatinneqarput.

Suliassaqarfimmut 80 – 89-imut Sanaartugassat aamma iluarsaassineq-mut nassuaatit

Nr. 10.

Piginnaatisssummi inissiat, Illuut A/S-ip pigisaasa, inissiatut nalinginnaasutut attartortinnissaannut Naalakkersuisut periarfissinneqarput, taamatuttaarlu piginnaatisssummi sulisunut inissianik atorfilinnut atugassiinissaq siunertaralugu, piffissami sivisuumi Illuut A/S-imut attartornissamik isumaqatigiissuteqarnissamut Naalakkersuisut periarfissinneqarput. Assersuutigalugu Nuummi Dronning Ingridip Napparsimmavissuata eqqaani inissiat 90-it tamakkerlutik Dronning Ingridip Napparsimmavissuanut sulisunut inissiatut attartortinnejassapput. Ingerlatsiernmi Dronning Ingridip Napparsimmavissuata najugaqartut ataasiakkaat ineqarnermut akiliisit-tassavai.

Ineqarnermut akiliutinik aalajangiisarnermi aningasaatitut aningasaartuutit, ingerlatsineq aqutsinerlu tunngavigineqartassapput. Inissiat inatsisitigut ataatsimoortunngorlugit katersorne-qarnissaat siunertarineqarpoq, taamaalilluni piginneqatigiilluni inissiaatillit peqatigiiffiini assigiinngitsuni maannakkut 15-iusuni inissiat ilaasa mikinerat aammalu piginneqatigiilluni inissiaatillit peqatigiiffiisa sunnertianerat qimanneqassalluni. Inissiat Illuut A/S-ip ataani inissiatut nammineq pigisatut inissinneqarpata, inissiat najugaqarfimmut angisuumut, ataatsimoortumut nammaqatigiiffiisumullu, taamaattumillu aningasaqarnikkut patajaatsumut nuunneqassapput. Inissiat inissiatut nalinginnaasutut attartortinnejassappata tamanna pingaaruteqarpoq, aammalu Namminersorlutik Oqartussat kommunillu inissiataanni attartortittakkani allani pisarnertut qaammatini pingasuni attartornerup nalinganik qularnaveeqqusiiinissaq piumasarineqartassaaq.

Oqaasertaliussaq nutaajuvoq.

Nr. 11.

Piginnaatisssummi Illuut A/S-ip allaffeqarfimmik, Namminersorlutik Oqartussat qitiusumik allaffeqarfianut attartorteqqinnejartussamik pisinissamut piareersimalluarnissaa qulakkeerneqarpoq.

Aallarniutissatut akiliutissaq Illuut A/S-imit qularnaveeqqusiiunneqarsinnaavoq tunineqarsinnaall-luniluunniit, taamaalillunilu allaffeqarfissap illutaata nutaap aningaasalersorneqarnissaanut iluaqutaasinnaavoq, taamaalillunilu qitiusumik allaffeqarfissap nutaap aningaasalersorneqarnissaanut pisariaqartitat ikilisinnejqarsinnaallutik. pisinnaatitaaffiit pisussaaffiillu tamarmik illuut-nut malinnaatinneqassapput.

Ilanngussaq 2, oqaasertaliussat oqaasertaliussanullu nassuaatit

B-716, Imaneq 5-imuittoq, allaffeqarfuiup napasuliap sananeqarneranut atatillugu isaterneqassaaq, illuut taanna nunaminertami inissismammat. B-1685, Imaneq 29-miuttoq tassaavoq "Grønlandsbankip illutatoqaa", taannalu qitiusumik pitsasumillu inissismaffeqarpoq, tunineqarsinnaanerlu ilimagineqarsinnaavoq. B-2390, Jens Kreutzmannip Aqqutaa 5-imuittoq pitsasumik inissismaffeqarpoq, taamaattumillu 2010-mi ukiortaamiit Eqqartuussiviup aggulunneqarneranut atatillugu pilerinartorujussuarmiilluni.

Oqaasertaliussaq nutaajuvoq.

Inatsisartut Aningaasaqarnermut Ataatsimiitaliaanit 29-04-2010-mi akuerineqartoq, suliaq nr. 10-472.

Konto pingaardeq 89.72.11-imut Nammeneq inissianik tapiissutitalimmik sanaartorneq

Nr. 7 tamarmi imaattumik taarserneqassaaq:

Nr. 7.

Nuummi Dronning Ingridip Napparsimmavissuata saniani piginneqatigiilluni inissianik 90-inik sananissamut Naalakkersuisut piginnaatinneqarput. Piginneqatigiilluni inissiat sananeqassappata, Sananermut akiusup 5 %-ianik nammineerluni aningaasaliissutissanik akiliinissamut, kiisalu sananermut akiusup 50 %-ianik erniaqanngitsunik akilersugassaanngitsunillu taarsigassarsitsissamut Naalakkersuisut piginnaatinneqarput. Nammineerluni akiliutissat taarsigassarsiallu m²-mut annerpaamik 10.725 koruuniusinnaapput. Inissianut peqatigiiffik nammineerluni ingerlasusaq ataaseq, Peqqik-mik taaguutilik pilersinneqassaaq.

Niuernikkut aalajangiiffigisassat, inissiat nutaamik sananeqartussat sananeqarnissaannut pisariaqartinneqartut tamaasa aalajangiiffiginissaannut Naalakkersuisut piginnaatinneqarput. Piginnaatitsissut kontomut pingaardermut 89.72.12 Taartaasussanik sanaartorneq, piginnaatitsissutaasup annertoqatigissavaa.

Konto pingaardermut 89.72.11 Nammeneq inissianik tapiissutitalimmik sanaartorneq-mut nassuaatit

Nr. 7 tamarmi imaattumik taarserneqassaaq:

Nr. 7.

Piginnaatitsissut atorneqareerpoq, inissiallu naammassineqarnerminnut atatillugu Illuut A/S-imut tunniunneqassapput, tassanngaanniillu sulisunut inissiatut Dronning Ingridip Napparsimmavis-suanut attartortinneqassallutik.

Oqaasertaliussaq nutaajuvoq.

Inatsisartut Aningaasaqarnermut Ataatsimiitaliaanit 29-04-2010-mi akuerineqartoq, suliaq nr. 10-472.

Ilanngussaq 2, oqaasertaliussat oqaasertaliussanullu nassuaatit

Konto pingaardeq 89.72.12-imut Taartaasussanik sanaartorneq

Nr. 1 tamarmi imaattumik taarserneqassaaq:

Nr. 1.

Piginneqatigiilluni inissianik, inissianik nammineq pigisanik, inissianik attartortittakkanik imaluunniit taartissatut inissialianik sanaartornermikkut niuernikkut iliuuserisassanik, illuutit sananeqarnerinut pisariaqartinneqartunik tamanik isumagisaqarnissamut Naalakkersuisut piginnaatinneqarput.

Aammattaaq piginnaatisissummi sanaartornermut aningaasalersuutissanik taarsigassarsinissamut, taarsigassarsitsinissamut neriorsuummik atsiuinissamut, suliassat pillugit isumaqatigiissuornissamut aammalu aningaasalersuutissanik inarutaasunik aningaaserivimmit imaluunniit realkredittimit taarsigassarsiniartarfinnit taarsigassarsinissamut pisinnaatitaaneq pineqarpoq.

Piginneqatigiilluni inissiat sananeqassappata, nammineerluni aningaasaliissutissanik 5 %-inik akiliinissamut, kiisalu sananermut akiusup 50 %-ianik erniaqanngitsunik akilersugassaanngitsuillu taarsigassarsitsinissamut Naalakkersuisut piginnaatinneqarput. Nammineerluni akiliutissat taarsigassarsiallu m²-mut annerpaamik 10.725 koruuniusinnaapput.

Piginneqatigiilluni inissiat inissiatut nammineq pigisatut allanngortinneqassappata, sananermut akiusup 40 %-ia tikillugu, taamaattorli m²-mut annerpaamik 5.400 koruuninik taarsigassarsitsinissamut Naalakkersuisut piginnaatinneqarput. Taarsigassarsiarititassat ukiuni 20-ni erniaqartineqassanngillat akilersugassaassanatillu, tamatumalu kingorna ukiut 15-it ingerlanerini akilersorneqassapput.

Piginneqatigiilluni inissiat imaluunniit inissiat nammineq pigisat inissiatut attartortittakkatut nalinginnaasutut allanngortinneqassappata, sananermut akiusup 75 %-ia tikillugu, taamaattorli m²-mut annerpaamik 13.000 koruuninik taarsigassarsitsinissamut Naalakkersuisut piginnaatinneqarput.

Aammattaaq inissiat Illuut A/S-imut tunineqannginnerini imaluunniit tunniunneqannginnerini piginneqatigiilluni inissiatillit peqatigiiffii nammineerluni inissiatillit peqatigiiffiannut allanngortitsinissamut Naalakkersuisut piginnaatinneqarput.

Inissiat inummut allamut inissiatut nammineq pigisatut tunineqassappata, tunisinermut aamma pisortat taarsigassarsiarititaanut piumasaqaatitut uku Naalakkersuisut aalajangissavaat:

- Inissiat taamaallaat inuinnarnit pisiarineqarsinnaapput.
- Inuk ataaseq inissiamik ataasiinnarmik pisisinnaavoq.
- Inissiat taamaallaat inuinnarnut attartortinneqarsinnaapput.
- Pisortat taarsigassarsiarititaat inuinnaat akornanni piginnittut nikinneranni akiligassanngortineqassanngillat.

Ilanngussaq 2, oqaasertaliussat oqaasertaliussanullu nassuaatit

Naalakkersuisut imaluunniit Illuut A/S suliassani ataasiakkaani sanaartornerup nalaani sanatitsisumut, allaffeqarfip peqatigiiffinnut ataasiakkaanut sullissineranut atatillugu ikorsiinermut akiliutitut m²-mut 95 koruuninik akiliisitsisassaaq. Inissiat immikkoortortaqarfimmit, Namminersorlutik Oqartussat ineqarnermi illuuteqarnermilu soqutigisaanik isumaginnittuusumit aquunneqassapput.

Inissianik pioreersunik isaterinermut atatillugu, inissianut taartissatut sananeqartunut illuutini isaterneqartussani maannakkut attartortuusut salliuutinnejassapput. Tamatuma kingorna taartissaatut inissialianut Namminersorlutik Oqartussat Nuummi inissiaataani allani maannakkut attartortuusut neqeroorfingineqassapput. Taamaalilluni inissiat illuutini isaterneqartussani maannakkut attartortuusunut inissiatut taartissatut imaluunniit inisseeqqiffissatut atorneqarsinnaasut pigineqaliassapput.

Nr. 2 tamarmi imaattumik taarserneqassaaq:

Nr. 2.

Nuummi Tuapannguani piginneqatigiilluni inissianik 210-t tikillugit sananissamut Naalakkersuisut piginnaatinneqarput. Inissianut peqatigiiffit immikkoortut arfineq marluk pilersinneqassapput.

Illu 4-mi, 5-im, 6-im aamma 7-im kisimiilluni piginneqataaginnarnissamut, aammalu piginneqatigiilluni inissianik nammineq sulisunut, namminersortut inissiaataannut attartortittakkanut nalinginnaasunut piumasaqaatit tunngavigalugit attartortitsinissamut, tassungalu taarsiullugu inissianik qitiusumik allaffeqarfimmut inissiatut inissiigallartarfiusutut attartortitsisinnaanissamut Naalakkersuisut piginnaatinneqarput.

Inissiat 30-t tikillugit Namminersorlutik Oqartussat inissiaataanni attartortittakkani maannakkut attartortunut nammineq kissaatigisamik nuunnissamut innersuunneqarsinnaapput. Namminersorlutik Oqartussat inissiaataannit nammineq kissaatigisamik nuunnissamut akuersisoqassappat, qinnuteqartut maannakkut inissiami najukkamini ukiut kingulliit pingasut ingerlaneranni ineqarnermut akiliutinik akiitsoqassangillat akiitsoqarsimassanatilluunniit, taamatullu piffissami tessani qinnuteqartup torersaarnissamut maleruagassanik unioqqutitsisimasutut maalaarutigineqarsimaneranik suliaqartoqarsimassanngilaq. Inissiat Namminersorlutik oqartussat inissiaataanni attartortittakkani attartornerup sivisussusaa malillugu innersuunneqassapput. Piginneqatigiilluni inissiaatillit peqatigiiffiata torersaarnissamut maleruagassaanik unioqqutitsisimaneq imaluunniit ineqarnermut akilummik akiliinngitsoorneq erniinnaartumik attartornermik unitsitsinermik kinguneqassaaq.

Inissiat attartortumiit piginnittumut aaqqissuussineq, imaluunniit piginneqataasumiit piginnittumut aaqqissuussineq malillugu najugaqartunit tiguneqarsinnaanngillat.

Nr. 3 tamarmi imaattumik taarserneqassaaq:

Ilanngussaq 2, oqaasertaliussat oqaasertaliussanullu nassuaatit

Nr. 3.

Nuummi Pingorsuarmi piginneqatigiilluni inissianik imaluunniit inissianik nammineq pigisanik 300-t tikillugit sananissamut Naalakkersuisut piginnaatinneqarput. Inissianut peqatigiiffit immikkoortut qulit pilersinneqassapput, taakkulu taaguutigissavaat Pingorsuaq 1 – 10.

Nr. 4 tamarmi imaattumik taarserneqassaaq:

Nr. 4.

Nuummi Blok P-mik isaterinissamut, tamatumunngalu atatillugu avatangiisit eqqarsaatigalugit iliuusissanik pisariaqartinneqartunik aalajangiinissamut Naalakkersuisut piginnaatinneqarput. Blok P-mut taartissatut inissianik 312-it tikillugit amerlassuseqartunik, aammalu inissianik inuussutissarsiutinillu ingerlataqarfinnik 29.0000 m^2 -it tikillugit annertussuseqartunik sananissamut Naalakkersuisut piginnaatinneqarput.

Nr. 5 tamarmi imaattumik taarserneqassaaq:

Nr. 5.

Nuummi Innartalimmi piginneqatigiilluni inissianik imaluunniit inissianik nammineq pigisanik 96-inik, Blok P-p ilaanut taartissatut sananissamut Naalakkersuisut piginnaatinneqarput.

Nr. 6 tamarmi imaattumik taarserneqassaaq:

Nr. 6.

Nuummi ilinniartunut inissianik 42-nik, piginneqatigiilluni inissiatut, inissiatut nammineq pigisatut imaluunniit inissiatut attartortittakkatut nalinginnaasutut atorneqartussanik, Nuummi Blok P-mi ilinniartunut inissiat ilaannut taartissatut sananissamut Naalakkersuisut piginnaatinneqarput.

Konto pingarnermut 89.72.12 Taartaasussanik sanaartorneq-mut nassuaatit

Nr. 1 tamarmi imaattumik taarserneqassaaq:

Nr. 1.

Piginnaatisissummi suliat ataasiakkaat Illuut A/S-imut tunniunneqarsinnaalernissaasa tungaanut Naalakkersuisut inissialortiternernik, aningaasanut inatsimmi aningaasaliiffigineqartunik aallartitsisinnaanissaat ingerlatitseqqissinnaanissaallu qulakkeerneqassaaq. Tassani annerusumik oqaasertaliussat maannamut atuussimasut ingerlateqqinnissaat pineqarpoq. Annertuumilli ataatsimoortitsilluni oqaasertaliisoqarpoq pisariillisaasoqarlunilu, taamatullu inissianut siunertat ataasiakkaat naapertorlugit pisortanit taarsigassarsiarititanut killissarititaasut erseqqissarneqarput.

Nr. 1-ip ataanut pissutsit tamanut tunngasut, sulianut tamanut atuuttut ilanngunneqarput, suliasanullu ataasiakkaanut pissutsit aalajangersimasut ilanngunneqarput, taamaattumillu taakkununga innersuussisoqarpoq.

Ilanngussaq 2, oqaasertaliussat oqaasertaliussanullu nassuaatit

Inissiat sananeqartut naammassineqareernerminni inissiatut nammineq pigisatut tunineqassappa-ta, iluanaarniapiluttoqannginnissaa pingaaruteqarpoq. Taamaattumik inissiat tunineqarnerinut atatillugu arlalinnik piumasaqaateqartoqarpoq, tassunga ilanngullugu inissiat inissiisarfittut, najugaqaqatigiiffittut, ineeqqat ataasiakkaarlugit attartortittakkatut assigisaattulluunniit atorne-qaqqaannginnerat ilaatinneqarluni. Ininik ataasiakkaanik attartortitsinermi inissiani ininit inuit najugaqartut amerlanerussangillat. Inissiat inissiatut nammineq pigisatut tunineqassappata, piumasaqaatit arlallit malinneqassapput, taakkulu tunngavigalugit inissiat inunnit inissiani najugaqartussanit pisiarineqartassapput, iluanaarniapiluttunit pisiarineqaratik.

Oqaasertaliussaq nutaajuvoq.

Nr. 2 tamarmi imaattumik taarserneqassaaq:

Nr. 2.

Piginnaatisssummi kisimiilluni piginneqataaginnarnissamut, aammalu napasuliaq 4-mit 7-imut inissianik sulisunut inissiatut attartortitsinissamut Naalakkersuisut periarfissinnejassapput. Kiisalu inissiat 30-t inissiatut attartortittakkatut nalinginnaasutut attartortittakkatut Naalakkersuisut atorsinnaavaat. Piumasaqaatit imarisaasa amerlanersaat maannamut piumasarisaasunik ingerlatitseqqinnerupput.

Oqaasertaliussaq nutaajuvoq.

Nr. 3 tamarmi imaattumik taarserneqassaaq:

Nr. 3.

Piginnaatisssummi inissianik 300-nik sananissamut, aammalu kisimiilluni piginneqataaginnarnissamut, inissianik inissiatut nalinginnaasutut imaluunniit sulisunut inissiatut attartortitsinissamut, imaluunniit inissianik tunisinissamut Naalakkersuisut periarfissinnejassapput. Inissiat nuttartitsinerup siuarsarneqarnissaanut Naalakkersuisut pilersaarutaannut ilaatinneqassapput. Piumasaqaatit imarisaasa amerlanersaat maannamut piumasarisaasunik ingerlatitseqqinnerupput.

Oqaasertaliussaq nutaajuvoq.

Nr. 4 tamarmi imaattumik taarserneqassaaq:

Nr. 4.

Piginnaatisssummi Blok P-p isaternissaata aallartinnissaanut Naalakkersuisut periarfissinnejassapput. Tamatumunnga atatillugu Nuummi Innartalimmi inissiat taartissat 96-it tungaanut amerlassusillit sananeqassapput. Kiisalu inissiat taartissat 84-it, maannakkut Nuummi Pisissiani sananeqartut Namminersorlutik Oqartussanit pisiarineqarput. Inissiat taartissat amerlanersaat marlunnik pingasunillu initaqassapput, inissiat taamatut angissusillit piumaneqarnerpaammata.

Oqaasertaliussaq nutaajuvoq.

Ilanngussaq 2, oqaasertaliussat oqaasertaliussanullu nassuaatit

Nr. 5 tamarmi imaattumik taarserneqassaaq:

Nr. 5.

Piginnaatisissummi Nuummi Innartalimmi inissianik taartissanik nutaanik 96-t tungaanut amerlassusilinnik sananissamut Naalakkersuisut periarfissinneqassapput. Inissiat Nuummi Blok P-mi inissianut taartissatut sananeqassapput. Inissiat taartissat amerlanersaat marlunnik pingasunillu initaqassapput, inissiat taamatut angissusillit piumaneqarnerpaammata.

Oqaasertaliussaq nutaajuvoq.

Nr. 6 tamarmi imaattumik taarserneqassaaq:

Nr. 6.

Piginnaatisissummi Nuummi ilinniartut inaannik nutaanik 42-t tungaannut amerlassusilinnik sananissamut Naalakkersuisut periarfissinneqassapput. Inissiat Nuummi Centerkollegiamut, Blok P-miittumut taartissatut inissiaapput. Ilinniartunut inissiat amerlanersaat ataatsimik marlunnillu initaqassapput.

Oqaasertaliussaq nutaajuvoq.

Inatsisartut Aningasaqarnermut Ataatsimiitaliaanit 29-04-2010-mi akuerineqartoq, suliaq nr. 10-472.